

# Cov Lus Nug Feem Ntau

## Kev Xaiv Tsa Tshwj Xeeb hauv California

### Kaum Ib Hlis Ntuj vas thib 4, 2025

#### Kev pov npav rau Kev Xaiv Tshwj Xeeb

##### 1. Kev xaiv tsa tshwj xeeb yuav muaj thaum twg?

Hnub Xaiv Tsa (Election Day) yog lub Kaum Ib Hlis Ntuj vas thib 4, 2025. Koj mus pov npav ntxov tau pib thaum lub Kaum Hli Ntuj vas thib 6 tom cov chaw ua haujlwm xaiv tsa hauv lub xeev (county). Thiab ntau lub cheeb tsam yuav qhib chaw pov npav pib hnub Saturday, Kaum Hli Ntuj vas thib 25 mus txog rau hnub Tuesday, Kaum Ib Hlis Ntuj vas thib plaub 4. Mus rau koj lub chaw xaiv tsa hauv zos lossis mus nrhiav cov chaw pov npav ntawm no [caearlyvoting.sos.ca.gov](https://caearlyvoting.sos.ca.gov).

##### 2. Kuv puas muaj cai pov npav?

- a. Yog xav mus pov npav rau kev xaiv tsa tshwj xeeb uas yuav tuaj no, koj yuav tsum muaj npe pov npav ua ntej. Koj cuv npe tau yog tias tag nrho cov lus hauv qab no koj teb yog rau . Koj yuav tsum yog:
  - i. Yog xeeb xaj Asmeskas (U.S. Citizen) thiab yog ib tug neeg nyob hauv lub lav California
  - ii. Muaj kaum yim (18) xyoo lossis laus dua rau Hnub Xaiv Tsa.
  - iii. Tsis nyob nkuaj me (state) lossis nkuaj loj (federal) rau kev raug lub txim txhaum loj (felony)
  - iv. Tsis tau raug tsev hais plaub txiav txim tias muaj kev puas hlwb txiav txim tsis tau rau nws tus kheej (mentally incompetent)

##### 3. Kuv tsis tau mus cuv npe pov npav. Hnub kawg rau kev cuv npe yog thaum twg?

- a. Mus txog lub Kaum Hli Ntuj vas thib 20, koj tseem mus cuv tau npe pov npav hauv koos pib tawj ntawm [registertovote.ca.gov](https://registertovote.ca.gov) lossis mus nqa ib daim ntawv/foos tim DMV, chaw xa ntawv, tsev nyeem ntawv (library), lossis koj lub chaw xaiv tsa hauv lub xeev. Yog koj ua tsis tau raws cov sijhawm no, koj tseem mus cuv npe tau rau thaum koj mus pov npav tim ntsej tim muag.
- b. Koj mus cuv tau npe thiab pov npav tim ntsej tim muag tau rau tim koj qhov chaw pov npav rau Hnub Xaiv Tsa. Hauv qee lub cheeb tsam, koj tseem mus cuv npe tau thiab pov npav tim ntsej tim muag tau rau tim koj qhov chaw pov npav ua ntej Hnub Xaiv Tsa. Nrhiav chaw pov npav ntawm no [caearlyvoting.sos.ca.gov](https://caearlyvoting.sos.ca.gov).

#### 4. Kuv yuav mus pov npav li cas thiab nyob qhov twg?

Daim ntawv pov npav yuav xa mus rau txhua tus neeg uas muaj npe pov npav ua ntej lub Kaum Hli Ntuj vas thib 20). Muaj peb (3) txoj hauv kev los mus pov npav: pov npav siv kev xa ntawv, pov rau hauv chaw pov npav lossis ib lub secure drop box, lossis mus pov npav tim ntsej tim muag.

- a. **Nqa Mus Rau Ntawm Lub Chaw Pov Npav:** Nqa koj daim ntawv pov npav mus rau hauv koj lub chaw xaiv tsa hauv cheeb tsam lossis lwm lub chaw pov npav. Koj nrhiav tau cov drop boxes no ntawm [caearlyvoting.sos.ca.gov](https://caearlyvoting.sos.ca.gov). Ua tib zoo yuav tsum xa mus pov rau hauv lub drop box ua ntej 8 moos tsaus ntuj lub Kaum Ib Hlis Ntuj vas thib 4.
- b. **Pov Npav Siv Kev Xa Ntawv:** Siv kev xa ntawv los mus xa koj daim ntawv pov npav rov qab. Tsis tas yuav tsum them nyiaj xa ntawv (postage)! Teb cov lus nug hauv daim ntawv pov npav thiab muab tso rau hauv lub hnab xa ntawv, thiab xee npe, tso vas thib, thiab kaw lub hnab xa ntawv. Xa koj daim ntawv ua ntej lub Kaum Ib Hlis vas thib 4.
- c. **Mus Pov Npav Tim Ntsej Tim Muag:** Hnub Xaiv Tsa yog Tuesday, lub Kaum Ib Hlis Ntuj vas thib 4, 2025. Chaw pov npav yuav qhib thaum 7 moos sawv ntxov mus txog 8 moos tsaus ntuj. Mus nrhiav koj qhov chaw pov npav ntawm no [sos.ca.gov/elections/polling-place](https://sos.ca.gov/elections/polling-place).
  - i. Ntau lub cheeb tsam kuj yuav qhib kev pov npav tim ntsej tim muag pib Saturday, lub Kaum Hli Ntuj vas thib 25 mus txog Tuesday, lub Kaum Ib Hlis Ntuj vas thib 4. Mus rau ntawm koj lub chaw xaiv tsa hauv zos lossis mus nrhiav cov chaw pov npav ntawm no [caearlyvoting.sos.ca.gov](https://caearlyvoting.sos.ca.gov).

#### 5. Thaum twg kuv mam li txais tau kuv daim ntawv pov npav?

Cov chaw ua hauj lwm xaiv tsa yuav pib xa cov ntawv pov npav ua ntej Lub Kaum Hli Ntuj vas thib 6. Yog koj twb mus cuv npe tau ua ntej hnub Monday, Lub Kaum Hli Ntuj vas thib 20, koj yuav tau txais koj daim ntawv pov npav xa tuaj rau koj.

#### Proposition 50 thiab Kev Kos Ciam Tshiab (Redistricting)

##### 6. Vim li cas thiaj li muaj kev xaiv tsa tshwj xeeb no? Muaj dabtsi nyob rau daim ntawv pov npav?

Thoob lub lav California, [Proposition 50](#) yuav nyob rau hauv daim ntawv pov npav kom cov neeg pov npav txiav txim seb puas yuav pom zoo rau txoj kev kos ciam tshiab rau pawg nom tswv (Congressional lines) rau kev xaiv tsa tom ntej. Cov kev kos ciam no yuav txiav txim seb koj nyob hauv koog tsev twg thiab pov npav qhov twg thaum koj xaiv koj tus thawj coj hauv U.S. House of Representatives. Proposition 50 tshwm sim thiab pom zoo los ntawm Tus Thawj Kav Lav California (Governor) thiab pawg nom tswv hauv lub lav California (California State Legislature) los teb ncaj qha rau cov kab ciam uas cov nom tswv hauv lub lav

Texas tau tsim kom muaj rooj zaum tshiab rau pawg nom tswv Republican (Republican Congressional seats).

Qee qhov chaw kuj yuav muaj lwm cov cai rau tib neeg xaiv hauv zos (local measures) nyob rau ntawm daim ntawv pov npav thiab.

**7. Kuv pheej hnov tibneeg tham txog kev kos ciam tshiab tas li thaum lawv tham txog Proposition 50. Qhov ntawd yog dabtsi?**

- a. Txoj kev kos ciam tshiab yog txoj kev rov kos kab ciam uas yuav los xaiv nom tswv sawv cev ntawm “koog tsev (districts)” uas tib neeg nyob thiab pov npav rau hauv. Txhua txhua 10 lub xyoo, tom qab teb chaws Asmeskas suav tibneeg (U.S. Census) tas, kev kos ciam tshiab yuav rov faib kom muaj tus naj npawb ntawm cov tib neeg nyob hauv txhua koog tsev sib npaug zos. Piv txwv li, kev kos ciam tshiab yuav kho cov nom county supervisor cov koog tsev kom muaj tib neeg sib npaug zos. Kev kos ciam tshiab tom qab kev suav tib neeg yuav tshwm sim hauv txhua them tsoom fww uas muaj koog tsev. Lub lav California tau rov kos nws cov koog tsev congressional districts nyob rau xyoo 2021.
- b. Cov kab ciam tsis yog tsuas los txiav txim seb koj nyob hauv koog tsev twg xwb, tab sis lawv kuj feem ntau cuam tshuam seb leej twg yuav yeej kev xaiv tsa thiab yuav tsom ntsoov rau tej cai twg. Qhov ntawd yog vim hais tias ib koog tsev txoj kev tsim kom muaj tib neeg nyob sib txawv yuav txiav txim tej yam xws li cov neeg xauj tsev los yog cov neeg yuav tsev ntau dua, cov neeg xav zoo li liberals ntau dua los yog cov neeg xav zoo li conservatives ntau dua, muaj cov neeg nyob hauv nroog loj ntau dua lossis cov neeg nyob sab nraum nroog loj ntau dua — tag nrho cov no yog yam uas cuam tshuam seb leej twg yuav sib tw ua nom ua tswv thiab leej twg yuav yeej kev xaiv tsa.
- c. Kev kos ciam tshiab yuav tsis hloov koj lub nroog (city) lossis lub xeev (county) uas koj nyob.
- d. Proposition 50 npaj ib txoj hu ua kev kos ciam “nrab-kaum xyoo” (mid-decade), uas txawv ntawm txoj kev kos ciam ib txwm muaj uas ua txhua 10 xyoo.

**8. Proposition 50 puas yuav cuam tshuam lwm them ntawm cov nom tswv tsoom fww?**

Tsis cuam tshuam, yog tias Proposition 50 dhau, nws tsuas cuam tshuam lub lav California U.S. House of Representatives cov cheeb tsam (kuj muaj lub npe hu uas congressional district). Nws yuav tsis cuam tshuam lwm them ntawm cov nom tswv tsoom fww. Txhais tau hais tias, nws yuav tsis cuam tshuam nrog koj lub lav senate, assembly, county supervisor, city council lossis tsoom fww hauv tsev kawm ntawv (school board district).

**9. Rau Proposition 50, qhov kev xaiv Yog (Yes) txhais li cas thiab qhov kev xaiv Tsis Yog (No) txhais li cas?**

- a. Yog koj xaiv Yes, qhov no txhawb nqa lossis pom zoo rau kev kos ciam tshiab rau pawg nom tswv (congressional lines).
- b. Yog koj xaiv No, qhov no txhais tau hais tias koj tsis txhawb nqa lossis tsis pom zoo rau kev kos ciam tshiab rau pawg nom tswv (congressional lines).

**10. Yuav tsum muaj pes tsawg tus neeg los pov npav es tsab cai Proposition 50 mam li dhau?**

Proposition 50 yuav dhau yog muaj ntau tshaj tsib caug feem pua (50%) ntawm cov tib neeg los pov npav Yes nyob rau hauv qhov Special Election.

**11. Yog tias Proposition 50 dhau lossis xaiv tau, cov koog tsev congress twg yuav hloov pauv loj heev?**

- a. Yog xav pom daim duab qhia cov ciam muaj tam sim no thiab cov ciam tshiab uas tau npaj tseg, mus rau:  
<https://harvard-cga.maps.arcgis.com/apps/instant/sidebar/index.html?appid=d0d079d11395406a949564734ef62aed>.

**12. Yog tias cov neeg pov npav pom zoo rau Proposition 50, kuv koog tsev congress puas yuav hloov? Yuav hloov li cas?**

- a. Mus nrhiav seb koj koog tsev congressional district puas yuav hloov, thiab yuav hloov li cas, los ntawm kev nrhiav nrog koj tus chaw nyob ntawm:  
<https://calmatters.org/politics/2025/08/find-out-if-your-vote-could-be-affected-by-newsoms-redistricting-plans>.

**13. Yog tias Proposition 50 dhau lossis xaiv tau, koog tseg congressional districts tshiab yuav nyob ntev npaum li cas?**

- a. Koog tsev tshiab yuav pib xyoo 2026 mus txog thaum kev kos ciam tshiab rau xyoo 2031.
- b. Nyob rau xyoo 2026, yuav muaj kev xaiv tsa rau txhua lub rooj zaum hauv lub House of Representatives thoob teb chaws Ameskas. Yog tias Proposition 50 dhau lossis xaiv tau, cov koog tsev tshiab (district) yuav pib siv thaum lub lav California muaj kev xaiv tsa thawj zaug (primary election) thaum lub Rau Hli Ntuj xyoo 2026.

**14. Yuav ua li cas yog tias Proposition 50 tsis dhau?**

Yog cov neeg pov npav feem ntau tsis pom zoo rau Proposition 50, lub lav California cov ciam rau congressional district yuav nyob li qhov qub mus txog rau xyoo 2031.

**15. Lub lav California puas muaj statewide independent redistricting commission?**

Lub lav California muaj cov independent redistricting commission kos kab ciam rau Assembly, State Senate, thiab Congress txhua txhua 10lub xyoo. Txawm tias pawg neeg no tsis koom tes hauv txoj kev kos ciam nrab-kaum xyoo, Proposition 50 lees paub tias pawg neeg no yuav rov qab los kos ciam dua rau xyoo 2031.

**16. Lwm lub lav twg tab tom kos ciam tshiab nrab-kaum xyoo?**

Txij li lub Cuaj Hlis Ntuj xyoo 2025, cov lav hauv qab no tau rov qab los kos lawv cov koog tsev congressional districts tshiab lossis tau sab laj txog lawm: Texas, Missouri, thiab Ohio. Lwm lub lav uas tej zaum yuav rov kos ciam tshiab yog Florida, Illinois, Indiana, Kansas, Maryland, Ohio, South Carolina, thiab Utah.